

Түрүн өдрәс авн дуту-дундиг уурулхмн

Элстин мөхлөсхөзин болн селәнә эдл-ахун таньгъчин управленә коммунистнр КПСС-н туудж дасдг кружокд хамдан орцхана. Эн кружокин гардачнь, мөхлөсхөзин научн кōдлäch үр Богун П. Ф. пропагандистск кōдлмш эклдж кегъад, 3-ч джилнь эн. Үр Богун болхла дамшлтта, амтид медгдг келәр, сән гидгәр цәалгъвр өгнә.

Октябрин 1-шинд түрүн, занянь болснд, КПСС-н ЦК-н пропагандин болн агитацин Отделин, КПСС-н ЦК-д бәядг марксизм-ленинизмн Институтин тезисмүд дасцхав.

Ямаран кевәр түрүн занянь болв?

Түрүн болдж тер занятин бүрдәмджнь му болсиг темдглх кергтә, юнъгад гихлә, орлцх коммунистнр цугъарн ирсн уга.

Селәнә эдл-ахун управленәс 3 коммунист ирхәс, негхнь ирв. Терүн деерән парт-организацин сегләтр үр Лиджанов бийнь заняньд орлцсн уга.

Дакад болхла эн кружокд орх улсин тонь йир багъ, — йисхн коммунист. Иим цōкн сонъсачирта кружок удаң кōдлмш кех гидж келдж болшго.

Тиигчкәд, түрүн занянь ямаран цагт кехән кӯүндснн уга. Тер учрар, мөхлөсхөзин коммунистнр 5 часла кōдлмшән чилächкәд, 6 часла кōдлмш чилäch селәнә эдл-ахун управленә коммунистнр күләгъад, хара сууцхав.

Тер тоотиг меддж, дарунь дуту-дундиг уурулх кергтә.

И. МАСЛОВ.